

Il mas-chalch da Sent



Publicaziuns officialas. Cumpara segund bsögn.

2009/2011

no. 49

7554 Sent, 14 november 2011 / cl

Surdatta officiala dal label “Cità d’energia” illa Grotta da cultura



In sonda, als 19 november 2011 a las 18.00, davo da la vernisascha da Sent-ART 2011, ha lö l’act festiv per la surdatta officiala dal label “Cità d’energia”.

Preschaints a la surdatta saran ils signurs Erich Büsser e Balz Lendi da l’uffizi d’energia e da trafic dal Grischun. Rapeschantada sarà eir l’organisaziun naziunala da “Energie Schweiz”. Implü pigliarà part a l’act festiv eir sar Thomas Blindenbacher dal büro chi ha accumpagnà il process d’arcugnuschentscha.

I vain offri ün pitschen aperitiv. La populaziun da Sent es amiaivelmaing invidada da tour part a quist act festiv per la surdatta dal label.

Il Cussagl cumünal

Votumaziun a l’urna – comunicaziun

La radunanza dals 24 october 2011 ha decis da suottametter a la cumünanza d’urna la dumonda pel credit da frs. 1'100'000.- per la cumprita dal stabilimaint da la posta e per alchüns adattamaints da fabrica interns.

In vista cha pels 1. schner 2012 daja üna müdada da las instanzas politicas ha il Cussagl cumünal decis cha la votumaziun sur dal affar varà lö pür dal 2012. Uschè as vuless dar la pussibilità al Cussagl cumünal nouv, chi vess lura tuot tenor eir d’executar la fatschenda, da gnir integrà i'l proceder e da far eventualas cumplettaziuns avant co suottametter al suveran a l’urna.

Il Cussagl cumünal

Deponia La Fuorcha

La deponia vain **serrada** officialmaing fin davo Pasqua.

In cas urgients e scha’l stadi da la via d’access fin pro la deponia permetta, as po passar per la clav in büro cumünal. L’avertüra officiala dal 2012 vain comunichada aint il Mas-chalch.

Il Cussagl cumünal

Controlla officiala da s-chodamaints dad öli / Amtliche Oelfeuerungskontrolle

Las controllas annualas per la perioda da masüraziun 2011-2012 per s-chodamaints dad öli o da gas vegnan manadas tras a Sent, Crusch e Sur En dals:

15 december 2011 – 31 schner 2012

Il possessurs da schodamaints dad öli o gas vegna giavüscharts da tour cogniziun da quist avis.

Men Caviezel

Promoziun dal sport da naiv

Sco publichà fingià aint il mas-chalch no. 47 dals 6 october 2011 as partecipescha il cumün da Sent eir quist on vi da l'acziun cumünaipla dals cumüns e da las Penderas Motta Naluns Scuol-Ftan Sent SA cul böt da promover il sport d'inviern.

Las cartas pon, sco adüna, gnir cumpradas cul rebass a la chascha da las Penderas Motta Naluns. Detagls a regard ils predschs sun indichats i'l mas-chalch no. 47.

Atenziun: Il rebass cumplett survegnan be scolar(a)s chi retiran la carta da stagiun a la prevendita a la cassa da las Penderas Motta Naluns fin il plü tard als **30 november 2011**. Scolar(a)s chi retiran la carta da stagiun davopro tilla han da comprar pel predsch regular e survegnan restitui la contribuziun dal cumün in büro cumünal in muossond la carta da stagiun.

Il Cussagl cumünal

Il bazar da la società da duonnas

ha lö als **27 november 2011 a las 13.30 in chasa cumünala**. No vain fat bels arrandschamaints da Nadal, cranzins d'Advent, bieras lavurs da man. Natüralmaing daja ün'ingiavinera ed üna stüva da caffè cun bunas tuortas e panins. No lain far attent, cha no fain eir stinvs e pullovers sün postaziun.

Giiven e vegl es amiaivelmaing invidà. Grazcha fich ouravant per vos sustegn e per vossa numerusa cumparsa.

Ün grond ingrazchamaint a tuot quels chi han sustgnü a nossa società cun üna contribuziun annuala.

La società da duonnas

Advent pels attempats

Eir quist on organisescha la società da duonnas ün inscunter d'Advent **cun giantar** per quellas persunas da las annadas 1941 e plü veglias (da 70 amunt).

La data es gnüda fixada sün **dumengia, 4 december 2011**, a las **12.00** illa chasa Misoch.

I'ns fess grond plaschair scha tuot quellas persunas gnissan a nos giantar.

Annunzchas piglia incunter Annatöna Pult, tel. 081 864 86 82 opür Vreni Buchli tel. 081 864 06 77, **a partir da subit**.

La società da duonnas

Predgina

Nus invidain a tuot ils uffants da la scouline sco eir plü pitschens a tadar istorgias d'Advent, a chantar ed a zambriar robas per Nadal. La predgina ha lö adüna in **mardi, als 8/15/22 e 29 november, implü als 6 december (sairada da Niculaus) da las 17.00 – 18.00** in chasa da pravenda.

rav. Jörg Büchel ed uffants dal s-chalin ot

Giantar cumünaivel

Il prüm giantar da cumünanza ha lö als 24 november 2011 a las 12.00 in chasa cumünala.

Annunzchar as po fin duos dis avant pro Erica Clalüna, tel. 081 864 07 59.

Nus sperain sün üna gronda cumparsa ed ün bel temp da cumapagnia.

Corporaziun evangelica

Prüma dumengia d'Advent: 27 november 2011

10.00 cult divin rumantsch imbelli da gospels sunats da scolars sot la guida da Hans Neuenschwander.

Corporaziun evangelica